

Skólareglur Dalvíkurskóla

1. Framkoma

Komum fram við aðra eins og við viljum að aðrir komi fram við okkur.
Starfsfólk og nemendur skulu temja sér:

- ✓ Kurteisi
- ✓ Tillitsemi
- ✓ Góða og snyrtilega umgengni

2. Skólasókn

Göngum til starfa með jákvæðu hugarfari og temjum okkur stundvísi og vandvirkni.

Starfsfólk og nemendur skulu temja sér að vera:

- ✓ Stundvís
- ✓ Jákvæð
- ✓ Vandvirk og vinnusöm

3. Nesti

Hollt og gott nesti eykur árangur og viðheldur vellíðan í starfi.

Nemendur skulu temja sér að:

- ✓ Hafa með sér hollt og gott nesti.

Sælgæti, tyggjó og gosdrykkir er ekki leyft í skólanum né á skólalóð á skólatíma.

4. Fararskjótar

Hjálmur er höfuðatriði.

Æskilegt er að starfsfólk og nemendur:

- ✓ Gangi eða hjóli í skólann

Þeim sem mæta á reiðhjóli í skólann er skylt að nota hjálm. Sama á við um hjólabretti, hlaupahjól, línu- og hjólaskauta.

Ef nemendur eru hjálmlausir skal taka fararskjótann úr umferð og geyma hjá húsverði þar til foreldrar sjá sér fært að sækja hann.

5. Ávana- og fíkniefni

Heilbrigð sál í hraustum líkama.

Í og við skólann er starfsfólki og nemendum stranglega bannað að nota eða bera á sér:

- ✓ Tóbak
- ✓ Áfengi
- ✓ Vímuvaldandi efni

Þetta á einnig við um allar ferðir og samkomur á vegum skólans.

6. Tæki og tól

- ✓ Nemendur nota ekki farsíma, myndavélar, hljóðpotta, tölvuspil eða önnur slík tæki í skólanum, í kennslustundum eða á skólalóð á skólatíma.
Nemendur hafa þó leyfi til að nota hljóðpotta í frímínútum.
- ✓ Ef nemandi er uppvís að notkun ofangreindra tækja skal það umsvifalaust tekið af honum og geymt hjá skólastjórnendum þar til foreldrar sækja tækið.
- ✓ Nemendur eru ekki í úlpum og/eða með húfur í kennslustundum.
- ✓ Nemendur fara ekki útaf skólalóð í frímínútum án leyfis.

Ef nemandi brýtur skólareglur og/ eða veldur verulegri truflun á kennslu og lætur ekki segjast við áminningu kennara er heimilt að vísa honum úr kennslustund. Skal hann þá fara til skólastjórnenda og ræða við þá um agabrotið. Foreldrum skal ætíð gerð grein fyrir agabrotum barns síns af viðkomandi kennara.

Við ítrekuð brot eru foreldrar kallaðir á fund með umsjónarkennara og/eða skólastjóra og leitað leiða til að leysa málið.

Gerist nemandi sekur um alvarleg og ítrekuð brot, má vísa honum úr skóla tímabundið.

Láti nemandi sér þá ekki segjast og ekki tekst að leysa málið innan skólans, vísar skólastjóri málinu til fræðsluráðs sem tekur málið til meðferðar.